

XURADO PROVINCIAL DE MONTES VECIÑAIS EN MAN COMÚN.

Expediente nº: 23/98.

ID: 676

R E S O L U C I Ó N

PRESIDENTE EN FUNCIONES:

Don Emilio Sánchez Coto.

VOCAIS:

Don Manuel Martínez Garrido.

Don José Antonio Illán Torrón.

Don Manuel Veiga Franco.

SECRETARIO:

Don Luis Quiroga Arnal.

Na cidade de Lugo, a catorce de decembro de mil novecentos noventa e nove, o Xurado Provincial de Montes Veciñais en Man Común, constituído polas persoas que á marxe se relacionan, reunido na Sala de Xuntas da Delegación Provincial da Consellería de Medio Ambiente, adoptou a seguinte **RESOLUCIÓN:**

Visto no día da data o expediente número 23/98 para a posible clasificación como veciñal en man común do monte " DE POL ", no concello de MONFORTE DE LEMOS, iniciado por acordo do Xurado coa data do 26 de maio de 1998, sendo vocal instructor do mesmo DON MANUEL MARTÍNEZ GARRIDO, e resultando os seguintes:

ANTECEDENTES DE FEITO

PRIMEIRO: Aceptado o cargo polo vocal instructor (coa data do 15 de xuño de 1998), iniciouse o expediente número 23/98 (por instancia de DONA GLORIA OTERO LÓPEZ e trece veciños máis, con domicilio no lugar de POL, parroquia de BAAMORTO, concello de MONFORTE DE LEMOS), poñendo como encabezamento do mesmo a certificación da ACTA da sesión do Xurado, na que se acorda a iniciación do expediente e o nomeamento do vocal instructor.

SEGUNDO: Coa data do 20 de agosto de 1998, recabouse do Servicio de Montes e Industrias Forestais na Delegación Provincial da Consellería de Medio Ambiente, certificación relativa a se os montes de referencia figuran incluídos ou non no catálogo dos de Utilidade

Pública da provincia de LUGO.

TERCEIRO: Coa data do 26 de agosto de 1998, recibíuse certificación do Servicio de Montes e Industrias Forestais na Delegación Provincial da Consellería de Medio Ambiente, na que se fai constar que os montes " POL e CARROUBA ", non figuran incluídos no catálogo dos de Utilidade Pública da provincia de LUGO.

CUARTO: Coa data do 31 de agosto de 1998 (registro de saída número 80.271 do día 4 de setembro do mesmo ano), solicitáronse do Rexistro da Propiedade de **MONFORTE DE LEMOS** os documentos seguintes: 1º) certificación dos asentos que poidan afectar ós terreos en cuestión e que acredite o nome das persoas a favor das que estean inscritos, expresando título de adquisición, liberdade de gravames ou cargas de calquera clase inscritas ou anotadas e que estean vixentes na actualidade segundo os asentos; e 2º) certificación de se algunha das devanditas cargas fora obxecto de transmisión ou estivese afecta a algunha responsabilidade, e as limitacións de dominio e condicións ou accións resolutorias ou rescisorias que estean vixentes na actualidade.

QUINTO: Coa data do 10 de setembro de 1998, recibíuse certificación do Rexistro da Propiedade de **MONFORTE DE LEMOS**, na que se fai constar que os montes coñecidos como " POL e CARROUBA " non figuran inscritos nese Rexistro tal e como se describen na solicitude do Xurado Provincial de Montes Veciñais en Man Común de LUGO, e que non existe presentado e pendente de despacho no libro Diario ningún documento referente ós predios que se certifican.

SEXTO: Coa data do 20 de xaneiro de 1999, comunicóuselle ó Servicio Provincial de Montes e Industrias Forestais na Delegación Provincial da Consellería de Medio Ambiente a iniciación do expediente.

SÉTIMO: Coa data do 20 de xaneiro de 1999 (registro de saída número 6.426 do mesmo día, mes e ano), comunicóuselle ó alcalde de barrio da parroquia de **BAAMORTO**, concello de **MONFORTE DE LEMOS**, o dereito da comunidade de veciños do lugar de POL á elección de dous representantes, que poderán asistir ás reunións do Xurado nas que se estudie o expediente dos montes " POL e CARROUBA ", (con voz pero sen voto).

OITAVO: Coa data do 20 de xaneiro de 1999 (rexistro de saída número 6.431 do mesmo día, mes e ano), comunicóuselle ó alcalde de barrio da parroquia de **SAN XOÁN DE TOR**, concello de **MONFORTE DE LEMOS**, o dereito da comunidade de veciños do lugar de **CARROUBA** á elección de dous representantes, que poderán asistir ás reunións do Xurado nas que se estudie o expediente dos montes " **POL e CARROUBA** ", (con voz pero sen voto).

NOVENO: Coa data do 20 de xaneiro de 1999 (rexistro de saída número 6.442 do mesmo día, mes e ano), remitiuse **EDICTO** para a súa publicación no **D.O.G.**, poñendo en coñecemento de tódolos interesados a iniciación do expediente, co fin de que puideran comparecer e intervir nel, na defensa dos seus dereitos e intereses.

DÉCIMO: Coa data do 20 de xaneiro de 1999 (registros de saída números 6.451 e 6.462 do mesmo día, mes e ano), comunicóuselle ó concello de **MONFORTE DE LEMOS** a iniciación do expediente e remitíronselle **EDICTOS** para a súa colocación no taboleiro de anuncios do concello, nos lugares de costume e nos asentamentos dos lugares e parroquias ós que pertencen os citados montes.

DÉCIMO PRIMEIRO: Coa data do 20 de xaneiro de 1999 (rexistro de saída número 6.468 do mesmo día, mes e ano), comunicóuselle á solicitante da clasificación **DONA GLORIA OTERO LÓPEZ**, con domicilio no lugar de **POL**, parroquia de **BAAMORTO**, concello de **MONFORTE DE LEMOS**, a iniciación do expediente.

DÉCIMO SEGUNDO: Coa data do 20 de xaneiro de 1999 (rexistro de saída número 6.472 do mesmo día, mes e ano), comunicóuselle ó Rexistro da Propiedade de **MONFORTE DE LEMOS** a iniciación do expediente e solicitouse **ANOTACIÓN PREVENTIVA**.

DÉCIMO TERCEIRO: Coa data do 27 de xaneiro de 1999, recibíuse comunicación dos veciños do lugar de **CARROUBA**, parroquia de **SAN XOÁN DE TOR**, concello de **MONFORTE DE LEMOS**, na que como vocais representantes no Xurado pola comunidade implicada no procedemento, resultaron elixidos:

DON ROBERTO LÓPEZ CLEMENTE.

DON CARLOS GOYANES SALGADO.

DÉCIMO CUARTO: Coa data do 10 de febreiro de 1999, recibíuse comunicación do Rexistro da Propiedade de **MONFORTE DE LEMOS**, na que se fai constar a **ANOTACIÓN PREVENTIVA** feita polo mesmo (predio número 29.416, folio 106, libro 285, concello de **MONFORTE DE LEMOS**, tomo 710 do arquivo, anotación letra A).

DÉCIMO QUINTO: Coa data do 17 de febreiro de 1999, aparece publicado o **EDICTO** no **D.O.G.** número 32, páxinas 1.802 e 1.803, polo que se pon en coñecemento público a iniciación do expediente de clasificación dos montes "**POL e CARROUBA**".

DÉCIMO SEXTO: Coa data do 18 de febreiro de 1999, recibíuse escrito asinado por **DON HIGINIO LOSADA LÓPEZ** e dous veciños máis, con domicilio no lugar de **POL**, parroquia de **BAAMORTO**, concello de **MONFORTE DE LEMOS**, no que manifestan que o monte ven utilizándose desde tempo inmemorial polos veciños con casa aberta e lume, do lugar de **POL**. Que foi donado gratuitamente ós veciños do lugar de **POL**, por un membro destacado na nobreza galega oriundo de dito lugar, suponse con anterioridade ó século XVI. Que os veciños do lugar de **CARROUBA**, parroquia de **SAN XOÁN DE TOR**, nunca disfrutaron de ningún aproveitamento no referido monte.

DÉCIMO SÉTIMO: Coa data do 19 de febreiro de 1999, recibíuse comunicación dos veciños do lugar de **POL**, parroquia de **BAAMORTO**, concello de **MONFORTE DE LEMOS**, na que como vocais representantes no Xurado pola comunidade implicada no procedemento, resultaron elixidos:

DON MANUEL RODRÍGUEZ LÓPEZ.

DON MIGUEL ÁNGEL GAYOSO ARIAS.

DÉCIMO OITAVO: Coa data do 8 de marzo de 1999 (rexistro de entrada número 99/39.948), recibíuse certificación do concello de **MONFORTE DE LEMOS**, na que se fai constar que o **EDICTO** estivo exposto polo prazo de 30 días no taboleiro de anuncios do concello, nos lugares de costume e na parroquia, sen que se presentara ningunha alegación.

DÉCIMO NOVENO: Na sesión celebrada polo Xurado Provincial coa data do 15 de xuño de 1999, acordouse por unanimidade continua-la tramitación co novo nome do monte que será o "**DE POL**", pertencente

ós veciños do lugar de POL, parroquia de BAAMORTO, concello de MONFORTE DE LEMOS, axustándose ó novo croquis e lindeiros facilitados polo Servicio de Montes e Industrias Forestais (carpeta-ficha azul).

VIXÉSIMO: Coa data do 23 de setembro de 1999 (registros de saída números 126.559, 126.564, 126.566, 126.570, 126.573, 126.576, 126.578 e 126.581, do día 24 do mesmo mes e ano), remitíronse escritos relativos ó trámite de audiencia a DONA GLORIA OTERO LÓPEZ, DON MANUEL DE LA TORRE, DONA AMELIA LÓPEZ RODRÍGUEZ, DON ROBERTO LÓPEZ CLEMENTE, DON CARLOS GOYANES SALGADO, DON HIGINIO LOSADA LÓPEZ, DON MANUEL RODRÍGUEZ LÓPEZ e DON MIGUEL ÁNGEL GAYOSO ARIAS, todos eles interesados no expediente.

VIXÉSIMO PRIMEIRO: Dentro do prazo concedido para o trámite de audiencia comparecen DONA GLORIA OTERO LÓPEZ, DONA AMELIA LÓPEZ RODRÍGUEZ, DON MANUEL RODRÍGUEZ LÓPEZ e DON MIGUEL ÁNGEL GAYOSO ARIAS, manifestando que se ratifican nos anteriores escritos (ver antecedentes de feito PRIMEIRO e DÉCIMO SEXTO).

FUNDAMENTOS DE DEREITO

1º.- O Xurado Provincial de Montes Veciñais en Man Común ten competencia e xurisdicción para coñece-lo expediente, séndolle atribuída tal competencia polo artigo 9 da Lei de Galicia 13/1989, do 10 de outubro, de Montes Veciñais en Man Común.

2º.- Os montes " DE POL e CARROUBA ", tal e como figuran na carpeta-ficha antiga, foron sempre aproveitados exclusivamente polos veciños do lugar de POL e nalgunha ocasión vendeuse madeira afectada polo lume sen que houbera ningunha reclamación dos veciños do lugar de CARROUBA. O monte " DE POL ", tal e como figura na carpeta ficha nova, está na actualidade cuberto de mato con numerosos pés de pino pinaster intercalados e procedentes de rexeneración natural. Foi sempre aproveitado de forma mancomunada non habendo sinal ningunha de aproveitamentos individualizados. O monte " DE POL ", tal e como se describe seguidamente, reviste o carácter de veciñal en man común, cumprindo os requisitos do artigo 1 da citada Lei.

Vistos os antecedentes de feito e os fundamentos de dereito

anteriores, o Xurado Provincial de Montes Veciñais en Man Común, resolve:

CLASIFICAR como veciñal en man común o monte das seguintes características:

Nome: " DE POL ".
Pertenza: veciños do lugar de Pol.
Parroquia: Baamorto.
Superficie: 56 ha.
Concello: Monforte de Lemos.

Estremas:

Norte: monte " Ferroedo " 2715 056, pertencente á comunidade de Fiolleda e conveniado coa Xunta de Galicia, e monte veciñal en man común da parroquia de Fiolleda. Leste: predios particulares do lugar de Pol. Sur: predios particulares do lugar de Pol. Oeste: camiño veciñal, río Barrantes e predios particulares do lugar de Pol.



Situación, Orientación, Pendiente y Accesos

El monte denominado "DE POL", se encuentra situado al NO del lugar de Pol , parroquia de Baamorto perteneciente al Término Municipal de Monforte de Lemos.

Esta integrado por una sola parcela que sigue una orientación general noroeste.

Sus cotas están comprendidas entre la máxima de 450 metros de altitud y la mínima de 350 metros de altitud.

Los accesos son buenos, ya que para llegar al monte tenemos la carretera comarcal La Gudiña a Lalín, la carretera local de Monforte a Currelos u caminos vecinales hasta el lugar de Pol y una red importante de caminos comunales que cruzan el monte.

Superficies

La Parcela objeto de esta Carpeta Ficha tiene una superficie de 56 has.


Límites y Perímetros

- N: Monte "Ferrodo" 2715056 perteneciente a la comunidad de Fiolleda y Conveniado con la Xunta de Galicia y monte vecinal en mano-común de la Parroquia de Fiolleda
- E: Fincas particulares del lugar de Pol.
- S: Fincas particulares de Pol.
- O: Camino vecinal, rio Barrantes y fincas particulares de Pol

Estado Forestal, Aprovechamientos



**CROQUIS DEL MONTE CUYA
DECLARACIÓN SE PROPONE**



Lugo, junio de 1999
Ingeniera Téc. Forestal



Fdo. : Pilar Vega Alonso